



МОНГОЛ УЛСЫН САНГИЙН САЙДЫН
ТУШААЛ

2010 оны 06 сарын 17 өдөр

Дугаар 135

Улаанбаатар-2010


Журам шинэчлэн батлах тухай

Төсвийн байгууллагын удирдлага, санхүүжилтийн тухай хуулийн 8.1.4, Монгол Улсын нэгдсэн төсвийн хуулийн 6.1.3 дугаар заалтуудыг тус тус үндэслэн **ТУШААХ нь:**

Нэг. "Улсын болон орон нутгийн төсөв тэдгээртэй адилтгах хөрөнгөөр хэрэгжүүлэх хөрөнгө оруулалтын төсөл, барилга байгууламж, их засвар, худалдан авах тоног төхөөрөмжийн хөрөнгийг төлөвлөх, гүйцэтгэл гаргах, санхүүжүүлэх, хяналт тавих журам"-ыг хавсралт ёсоор шинэчлэн баталж, 2010 оны 6 дугаар сарын 21-ний өдрөөс мөрдүүлэхээр тогтоосугай.

Хоёр. Батлагдсан журмыг хэрэгжүүлэн ажиллахыг Төсвийн бодлогын газар /Б.Батжаргал/, Төрийн сангийн газар /Х.Пүрэвсүрэн/-т, хэрэгжилтэнд нь байнгын хяналт тавьж ажиллахыг Дотоод аудит, хяналт-шинжилгээ, үнэлгээний газар /Б.Гэрэлмаа/-т тус тус даалгасугай.

Гурав. Энэ тушаал гарсантай холбогдуулан Сангийн сайдын 2008 оны 58 дугаар тушаалыг хүчингүй болсонд тооцсугай.

САЙД  С.БАЯРЦОГТ

**УЛСЫН БОЛОН ОРОН НУТГИЙН ТӨСӨВ ТЭДГЭЭРТЭЙ АДИЛТГАХ
ХӨРӨНГӨӨР ХЭРЭГЖҮҮЛЭХ ХӨРӨНГӨ ОРУУЛАЛТЫН ТӨСӨЛ, БАРИЛГА БАЙГУУЛАМЖ,
ИХ ЗАСВАР, ХУДАЛДАН АВАХ ТОНОГ ТӨХӨӨРӨМЖИЙН ХӨРӨНГИЙГ ТӨЛӨВЛӨХ,
ГҮЙЦЭТГЭЛ ГАРГАХ, САНХҮҮЖҮҮЛЭХ, ХЯНАЛТ ТАВИХ ЖУРАМ**

Нэг. Нийтлэг үндэслэл

1.1. Улсын болон орон нутгийн төсөв тэдгээртэй адилтгах хөрөнгөөр хэрэгжүүлэх хөрөнгө оруулалтын төсөл, барилга байгууламж, их засвар, худалдан авах тоног төхөөрөмж (цаашид төсвийн хөрөнгө оруулалт гэх)-ийг төлөвлөх, гүйцэтгэлийг хянах, санхүүжүүлэх, хяналт тавих, ажлын гүйцэтгэл гаргах харилцааг энэхүү журмаар зохицуулна.

1.2. Монгол Улсын тухайн жилийн төсвийн тухай хууль, Засгийн газрын шийдвэр, аймаг, нийслэлийн Иргэдийн Төлөөлөгчдийн хурлын шийдвэрийн дагуу төсвийн хөрөнгө оруулалтаар хэрэгжүүлэх барилга байгууламж, төслийн батлагдсан хөрөнгийг зориулалтын дагуу үр ашигтай зарцуулж, тайлагнах, гүйцэтгэл гаргах, мэдээлэх үүргийг Төсвийн ерөнхийлөн захирагч, захиалагч яам, газар, аймаг, нийслэлийн Засаг даргын Тамгын газар хариуцна.

1.3. Төсвийн хөрөнгө оруулалтын төсөл, төлөвлөгөө боловсруулах, төслийн хэрэгжилтийн гүйцэтгэлийг хянах, санхүүжүүлэх, хяналт тавих, ажлын гүйцэтгэл мэдээлэл гаргах, тайлагнах үйл ажиллагааны маягт бүх түвшинд адил байна.

1.4. Төсвийн ерөнхийлөн захирагчид, захиалагч яам, газар, аймаг, нийслэлийн Засаг даргын Тамгын газар болон Төрийн сан нь хуульчлан батлагдсан төсөл нэг бүрийн хөрөнгийн хэмжээг хатуу баримтлан хяналт тавьж ажиллана.

1.5. Улсын болон орон нутгийн төсөв түүнтэй адилтгах хөрөнгөөр хэрэгжүүлж байгаа төсөл, барилга байгууламж, их засвар, худалдан авах тоног төхөөрөмжийн хөрөнгийг хооронд нь шилжүүлэн санхүүжүүлэхийг хориглоно.

1.6. Салбарын яам, газар, аймаг, нийслэл нь төсвийн хөрөнгөөр тухайн жилд хэрэгжүүлэх хөрөнгө оруулалтын төсөл бүр дээр батлагдсан хөрөнгийн хэмжээнд багтаан Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай хуулийн дагуу тендер зарлаж, гүйцэтгэгчтэй гэрээ байгуулан ажиллах бөгөөд хөрөнгийг хэтрүүлэн зарцуулахыг хориглоно. Гүйцэтгэгчтэй байгуулсан гэрээний төсөвт өртгийн дүн нь хуульд заасан төсөвт өртгөөс хэтрэхгүй байна.

Хоёр. Хөрөнгө оруулалтын төсөл, барилга байгууламжийг төлөвлөх

2.1. Төсвийн ерөнхийлөн захирагч, захиалагч яам, газар, аймаг, нийслэл төсвийн хөрөнгө оруулалтаар хэрэгжүүлэх төсөл барилга байгууламжийг сонгож төлөвлөх, тухайн санхүүгийн жилийн төсөлд тусгахдаа дараах зарчмыг баримтална. Үүнд:

- Төрөөс баримталж байгаа Үндэсний хөгжлийн цогц бодлого, Монгол Улсын эдийн засаг, нийгмийн хэтийн хөгжлийн чиг хандлагатай уялдуулах;

- Монгол Улсын Засгийн газрын үйл ажиллагааны хөтөлбөрт тусгагдсан тэргүүлэх ач холбогдол бүхий хөрөнгө оруулалтын төслийг ээлж дараалалтай хэрэгжүүлэх;
- Монгол Улсыг дэмжигч, хандивлагч орнууд, олон улсын банк, санхүүгийн байгууллагатай Засгийн газар хоорондын гэрээ хэлэлцээрийн хүрээнд хэрэгжүүлэх хөрөнгө оруулалтын төслийн Монголын талын хүлээсэн үүргийг ханган биелүүлэх;
- Салбарын болон бүс нутгийн дунд хугацааны стратеги, мастер төлөвлөгөөний зорилтыг хэрэгжүүлэх тэргүүлэх ач холбогдолтой хөрөнгө оруулалтын төслүүд байх;
- Салбарын хөгжлийн бодлого, эдийн засаг, нийгмийн хөгжлийн үндсэн чиглэлд тусгагдсан хөрөнгө оруулалтын төслүүд байх;
- Шинээр баригдах барилга байгууламжийн техник-эдийн засгийн үндэслэл, батлагдсан зураг төсөв, үр ашгийн тооцоог харгалзаж үзэх. Нийгмийн шинж чанартай барилга байгууламжийн хувьд түүнийг барих зайлшгүй шаардлага, хэрэгцээ, зардлын тооцоо, батлагдсан зураг төсвийг үндэслэх;
- Аймаг, нийслэлийн Иргэдийн Төлөөлөгчдийн хурлын шийдвэр бүхий орон нутагт хэрэгжүүлэх тэргүүлэх ач холбогдол бүхий хөрөнгө оруулалтын төслүүдийг орон нутгийн хөрөнгө оруулалтын төлөвлөгөөнд тэргүүн ээлжинд тусгасан байх;

2.2. Тухайн санхүүгийн жилд шинээр эхлэхээр тооцож буй төсөл, барилга байгууламж нь 2.1-д заасан ерөнхий шаардлагыг хангасан байхын зэрэгцээ хайгуул нь хийгдэж дүгнэлт гарсан, зураг төслийн ажил нь экспертизээр батлагдсан, барилга барих газар болон инженерийн сүлжээний хангамжийн асуудал бүрэн шийдэгдсэн, үр ашигтай нь техник эдийн засгийн тооцоогоор нотлогдсон зэрэг барилгын ажил эхлэх нөхцлийг хангасан байна.

2.3. Аймаг, нийслэл төсвийн хөрөнгө оруулалтаар хэрэгжүүлэх төсөл, барилга байгууламжийг төлөвлөхдөө тухайн салбарын бодлого, чиглэлийн яам, мэргэжлийн байгууллагын санал, дүгнэлтийг тусгасан байвал зохино.

2.4. Төсвийн хөрөнгөөр хийх их засварын ажлыг төлөвлөхдөө тухайн барилга байгууламжийн ашиглалт, норм, хугацаа, элэгдлийн байдал, мэргэжлийн байгууллагын гаргасан дүгнэлт, засварын хөрөнгийн төсөв, холбогдох материалыг үндэслэнэ.

Төсвийн ерөнхийлөн захирагч тухайн санхүүгийн жилд зураг төсөв, техник эдийн засгийн үндэслэл боловсруулах тэргүүлэх ач холбогдол бүхий төслийн жагсаалтыг тусгайлан гаргаж, хөрөнгө оруулалтын төсөлтэй хамт ирүүлнэ.

2.5. Захиалагч яам, газар, аймаг нийслэлийн санхүүгийн жилд хэрэгжүүлэх төсөл, арга хэмжээ нь тухайн захиалагчийн дунд хугацаанд хэрэгжүүлэх төсвийн хөрөнгө оруулалтын арга хэмжээ, УХОХ-тэй харилцан уялдсан байхын дээр салбарын гол тэргүүлэх чиглэлд хөрөнгө оруулалтын бодлогыг чиглүүлэн ач холбогдлоор нь эрэмбэлсэн байна.

2.6. Захиалагч яам, газар төсвийн хүрээний мэдэгдлийг үндэслэн аймаг, орон нутгийн хэрэгцээ болон саналыг салбарын бодлоготой уялдуулан, өгөгдсөн санхүүгийн эх үүсвэрийн хязгаар хэмжээнд багтаан хөрөнгө оруулалтын төсөл, төсөөллийг боловсруулна.

2.7. Захиалагч яам, газар, аймаг, нийслэл нь тухайн жилийн төсвийн хөрөнгө оруулалт, их засвар, төнөг төхөөрөмж худалдан авах ажлын төлөвлөгөөний төслийг

сайдын зөвлөл, ИТХ-ын тэргүүлэгчдийнхээ хурлаар хэлэлцэж гаргасан холбогдох шийдвэр, тайлбар, танилцуулгын хамт Сангийн яаманд ирүүлнэ.

2.8. Сангийн яам төсвийн хүрээний мэдэгдэлд заасан хязгаарыг нэмэгдүүлсэн жилийн төсвийн төслийг захиалагчид буцаана. Төсвийн ерөнхийлөн захирагч буцаасан төслийг дахин боловсруулан хуулийн хугацаанд ирүүлэх арга хэмжээ авна.

2.9. Захиалагч яам, газар, аймаг, нийслэл нь төсвийн хөрөнгө оруулалтын төслийн санал, тооцоог "маягт №ХО-1" –ийн дагуу гаргаж холбогдох бусад материалын хамт хуульд заасан хугацаанд Сангийн яаманд ирүүлнэ.

Гурав. Хөрөнгө оруулалтын төслийг санхүүжүүлэх

3.1. Төсвийн ерөнхийлөн захирагч, аймаг, нийслэлийн Засаг даргын хооронд төсвийн санхүүжилтийн гэрээ байгуулан эрх шилжүүлсэн төсөл болон орон нутгийн төсвийн хөрөнгө оруулалтын төслийн санхүүжилт нь тухайн аймаг, нийслэлийн төрийн сангаар дамжин захиалагчийн төрийн сан дахь дансаар санхүүжигдэнэ.

3.2. Аймаг, нийслэлд гэрээгээр эрх шилжээгүй буюу энэ журмын 3.1 дэх заалтад хамрагдаагүй, Төсвийн ерөнхийлөн захирагчийн өөрийн шууд хяналтад байгаа хөрөнгө оруулалтын төслийн санхүүжилтийг Сангийн яамны Төсвийн бодлогын газар хяналт тавьж Төрийн сангийн газраар дамжин захиалагчийн төрийн сан дахь дансаар санхүүжигдэнэ.

3.3 Сангийн яамны Төсвийн бодлогын газар, аймаг, нийслэлийн ЗДТГ-ын Санхүү, төрийн сангийн хэлтэс нь хөрөнгө оруулалтын төслийг санхүүжүүлэхдээ яам, газар, захиалагчийн барилга объект нэг бүрийн ажлын баталгаажсан гүйцэтгэлийг үндэслэн эрх нээнэ.

3.4 Сангийн яамны Төсвийн бодлогын газар, аймаг, нийслэлийн Санхүү, төрийн сангийн хэлтэс нь төсвийн хөрөнгөөр хэрэгжүүлэх хөрөнгө оруулалт, их засварын ажил, угсрагдахгүй тоног төхөөрөмжийг батлагдсан хөрөнгө оруулалт болон Төсвийн ерөнхийлөн захирагчтай байгуулсан гэрээний дагуу дор дурдсан баримт, материалыг үндэслэн санхүүжүүлэх эрх нээнэ. Үүнд:

а/ Тухайн төслийг шалгаруулсан үнэлгээний хорооны зөвлөмж, захиалагчийн гэрээ байгуулах эрх олгосон албан тоот, Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай хуулийн 53.1-д заасны дагуу авсан зөвшөөрлийн бичиг,

б/ Захиалагч, гүйцэтгэгчийн хооронд байгуулсан гэрээ /Сангийн сайдын 2006 оны 418 дугаар тушаалаар батлагдсан ажлын "Гэрээний загар" –ын дагуу /,

в/ Гүйцэтгэлийн баталгаа /Сангийн сайдын 2006 оны 418 дугаар тушаалаар батлагдсан "Гүйцэтгэлийн баталгааны маягт"-ын дагуу, хуулийн хүрээнд/,

г/ Урьдчилгаа төлбөрийн баталгаа /Сангийн сайдын 2006 оны 418 дугаар тушаалаар батлагдсан "Урьдчилгаа төлбөрийн баталгааны маягт"-ын дагуу, хуулийн хүрээнд/,

д/ Захиалагчийн хянаж баталгаажуулсан гарын үсэг, тамга бүхий барилгын ажлын гүйцэтгэл,

е/ Барилга байгууламж, их засварын ажлыг ашиглалтад хүлээн авсан тухай улсын болон техникийн комиссын акт,

ё/ угсрагдахгүй тоног төхөөрөмж, зураг төсөв, техник-эдийн засгийн үндэслэлийг тухайн төсвийн ерөнхий менежерийн шийдвэрээр байгуулагдсан ажлын комиссын акт,

ж/ Захиалагчийн санхүүжилт хүссэн тухай албан тоот,

3.5. Энэ журмын 3.4 дүгээр зүйлд заасан баримт, материалыг үндэслэн тухайн төслийг санхүүжүүлнэ. Хэрэв захиалагч урьдчилгаа санхүүжилт авахыг хүсвэл Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай хуулийн 44 дүгээр зүйлд заасан баталгааны дагуу урьдчилгаа олгож болно.

3.6. Хөрөнгө оруулалт, их засварын ажлын хөрөнгийн санхүүжилтийг захиалагчийн хянаж баталгаажуулсан гүйцэтгэлийг үндэслэн санхүүжүүлэх бөгөөд тухайн төслийг ашиглалтад хүлээн авсан улсын болон техникийн комиссын актыг үндэслэн эцсийн тооцоог хийж үлдэх хөрөнгийн эрхийг нээж санхүүжүүлнэ. Тухайн төслийг ашиглалтад хүлээн авсны дараа олгох /үлдэх/ хөрөнгийн хэмжээ нь тухайн жилд батлагдсан хөрөнгийн 5 хувьтай тэнцүү байна.

3.7. Захиалагчийн худалдан авах тоног төхөөрөмжийг энэ журмын 3.4 дүгээр зүйлд заасан холбогдох материалыг үндэслэн санхүүжилт болон урьдчилгаа санхүүжилт олгоно.

3.8. Зураг төсөв, техник-эдийн засгийн үндэслэл, тооцоо боловсруулахад захиалагчийн санал, банкны баталгааг үндэслэн урьдчилгаа санхүүжилт олгож болно. Зохиох журмын дагуу боловсруулж баталгаажуулсан зураг төсөв, техник-эдийн засгийн үндэслэлийг захиалагч хүлээн авсан тухай акт, 3.4 дүгээр зүйлд заасан холбогдох материалыг үндэслэн санхүүжүүлнэ.

3.9. Захиалагч болон гүйцэтгэгч байгууллага үйлчилж буй хуулийн хүрээнд зохих шаардлагын дагуу банкнаас урьдчилгаа төлбөрийн баталгаа гаргаж ирүүлсэн бол гаргасан баталгаатай тэнцүү хэмжээгээр урьдчилгаа санхүүжилтийг олгож болно. Гүйцэтгэгчийн гаргасан урьдчилгаа төлбөрийн баталгааг захиалагч хянан шалгаж санхүүжүүлэгч байгууллагад хүргүүлнэ.

3.10. Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай хууль, тогтоомж зөрчиж гэрээ байгуулсан төсөл, арга хэмжээг санхүүжүүлэхийг хориглоно.

3.11. Барилга байгууламж, их засварын ажлын гүйцэтгэлийг тухайн объектын батлагдсан төсвийг үндэслэн гүйцэтгэгч байгууллага гаргаж, захиалагч ажил нэг бүрээр нь тулган шалгаж баталгаажуулсан байна. Гүйцэтгэлийн үнэн зөвийг захиалагч бүрэн хариуцна.

3.12. Төсвийн хөрөнгөөр гүйцэтгэж байгаа барилга байгууламжийн ажлын гүйцэтгэл, ашиглалтад хүлээн авах актыг барилгын салбарын асуудал хариуцсан төрийн захиргааны төв байгууллагын батлан гаргасан дүрэм, норм, норматив, мөрдөж байгаа журам, маягтын дагуу үйлдэнэ.

3.13. Сангийн яамны Төсвийн бодлогын газар, аймаг, нийслэлийн Санхүү, төрийн сангийн хэлтэс энэхүү журмын 3.4-т заасан материалыг бүрэн хүлээн авснаас хойш ажлын 2 хоногийн дотор хянаж эрх нээнэ. Төрийн сангийн газар нь нээгдсэн эрхийн дагуу холбогдох хууль, журамд нийцүүлэн ажлын 2 хоногт багтаан тухайн төслийг санхүүжүүлнэ.

3.14. Захиалагч байгууллага өөрийн дансанд санхүүжилт орсноос хойш 2 хоногийн дотор гүйцэтгэгч байгууллагад санхүүжилт олгоно. Хэрэв захиалагч дээрх хугацаанд гүйцэтгэгчид хөрөнгийг шилжүүлэхгүй бол хөрөнгийг Төрийн сангийн дансанд шууд

татаж, гүйцэтгэгчийн дансанд шилжүүлнэ. Үүнээс үүдэн гарах хариуцлагыг төсвийн ерөнхийлөн захирагч хариуцна.

3.15. Нээгдсэн эрхийн дагуу шилжүүлсэн хөрөнгөнөөс Захиалагч яам, газар болон аймаг, нийслэлийн төрийн сан нь холбогдох баримтыг үндэслэн барилгын ажлын зардал, зураг төсвийн үнэ, техник хяналтын зардлыг тус тусын дансанд нь баримтын дагуу шилжүүлнэ.

3.16. Захиалагчийн төрийн сан дахь хөрөнгө оруулалтын төсвийн данс банкны жилийн эцсийн тайлангаар үлдэгдэлгүй байх бөгөөд энэ заалт барьцаа хөрөнгөнд хамаарахгүй.

3.17. Хөрөнгө оруулалтын санхүүжилтийн эрхийг хавсралт "маягт №Э-1" –ийн дагуу бичиж Сангийн яамны Төсвийн бодлогын газрын дарга, Төсвийн хөрөнгө оруулалтын хэлтсийн дарга, орон нутагт аймаг, нийслэлийн Санхүү, төрийн сангийн хэлтсийн дарга, хөрөнгө оруулалт хариуцсан мэргэжилтэн нар гарын үсэг зурж, төрийн санд шилжүүлнэ. Улсын нууцад хамаарах төслийн санхүүжилтийн эрхийг Санхүү, эдийн эдийн засгийн асуудал хариуцсан сайдад танилцуулж зөвшөөрөл авсан байна.

3.18. Тухайн санхүүгийн жилд хэрэгжүүлэх хөрөнгө оруулалтын төсөлд тодотгол, зохицуулалт хийх шаардлага гарвал Сангийн яам захиалагч байгууллагуудад мэдэгдэн тэдний санал хүсэлтийг авч тооцоог хянан үзэж захиалагчийн хөрөнгө оруулалтын нийт дүнд болон батлагдсан хөрөнгийн эх үүсвэрийн дүнд багтаан шийдвэрлэх санал боловсруулан Засгийн газар, Улсын Их Хуралд оруулна.

3.19. Тухайн жилийн төсвийн тухай хуульд нийт дүнгээр батлагдсан хөрөнгө оруулалт, тоног төхөөрөмж худалдан авах, их засвар хийх, геологи хайгуулын ажлын хөрөнгийг төсвийн ерөнхийлөн захирагчийн тушаалаар нэр, байршил, төсөл нэг бүрээр нь жагсаалт гаргаж батална. Хөрөнгө оруулалт, тоног төхөөрөмж худалдан авах, их засвар хийх, геологи хайгуулын ажлын хөрөнгийг хооронд нь шилжүүлэхийг хориглоно.

3.20. Төсвийн ерөнхийлөн захирагчийн тушаалаар батлагдсан хөрөнгө оруулалт, тоног төхөөрөмж, их засвар, геологи хайгуулын ажлын задаргаанд зохицуулалт хийх шаардлага гарвал захиалагч байгууллага Сангийн сайдын зөвшөөрлийг авсан байна. Захиалагч төлөвлөгөөт жилд худалдан авах тоног төхөөрөмжийн нэр төрөл, тоо, хөрөнгийн хэмжээг Төрийн өмчийн хороотой тохиролцсон байна.

3.21. Төсвөөс дараа төлөгдөх нөхцлөөр хэрэгжүүлэх төслийг жилийн төсвийн төсөлд тусгах, гүйцэтгэгч сонгон шалгаруулах, гэрээ байгуулах, техникийн хяналт тавих, ажлын гүйцэтгэл хянаж баталгаажуулах, ашиглалтад хүлээн авах, төлбөр олгох шийдэл гаргах бүх үйл ажиллагааг тухайн Төсвийн ерөнхийлөн захирагч бүрэн хариуцах бөгөөд объектийг улсын төсвийн хөрөнгөөр хэрэгжүүлж байгаа барилга байгууламжийн нэг адил үзнэ. Төсвөөс дараа төлөгдөх нөхцлөөр хэрэгжүүлэх төслийн тухайн жилийн төсвийн хуулинд тусгагдсан төсөвт өртөг нь тендер зарлах үндэслэл болох бөгөөд тендерт шалгарсан оролцогчтой байгуулах гэрээнд тухайн арга хэмжээний гүйцэтгэлийг нь харгалзан эргэн төлөлтийг улсын төсөвт хэрхэн төлөвлөж тусгах нөхцөлийг заавал тусгасан байна.

3.22. Төсвийн хөрөнгөөр барилга худалдан авах тохиолдолд захиалагч байгууллага холбогдох тооцоо, судалгааг гарган Засгийн газарт, орон нутгийн төсвийн хөрөнгөөр бол аймаг, нийслэлийн Иргэдийн Төлөөлөгчдийн хуралд оруулан чиглэл авсны дараа

мэргэжлийн хүмүүсийг оролцуулсан ажлын хэсэг байгуулан тухайн барилгын талаар үнэлэлт, дүгнэлт гаргаж, түүний үр дүнг үндэслэн актаар хүлээн авна.

3.23. Төсвийн хөрөнгө оруулалтаар хэрэгжүүлсэн барилга байгууламж, их засварын ажил, худалдан авсан тоног төхөөрөмжийг ашиглалтад хүлээн авсан гүйцэтгэлийн эцсийн дүнгээр тухайн төсөл хэрэгжсэн төсөвт байгууллагын санхүүд бүртгүүлэн, тайлан баланст нь тусгах арга хэмжээг Захиалагч байгууллага хариуцан гүйцэтгэнэ.

3.24. Тухайн төслийн тендерийн үнэлгээний хорооны зөвлөмж, ажил гүйцэтгэх гэрээ, ажлын гүйцэтгэл, нээсэн эрх, ашиглалтад хүлээн авсан комиссын акт, гүйцэтгэлийн болон урьдчилгаа төлбөрийн баталгаа, төсөлтэй холбогдох бусад баримт, мэдээллийг төсөл хэрэгжиж дууссаны дараа зохих журмын дагуу архивлана.

3.25. Захиалагч байгууллага тендер шалгаруулалтын дүнд үүссэн хэмнэлтийг ашиглахыг зөвшөөрөхгүй.

Дөрөв. Хяналт, шалгалт

4.1. Захиалагч нь төсвийн хөрөнгөөр гүйцэтгэж байгаа барилга байгууламж, их засварын ажлыг явуулах, түүнд техникийн хяналт тавих, шалгалт хийх, ашиглалтад хүлээн авах ажлыг барилгын салбарт мөрдөж байгаа хууль болон барилгын салбар хариуцсан төрийн захиргааны төв байгууллагаас батлан гаргасан норм норматив, дүрэм, журмын дагуу явуулна.

4.2. Сангийн яам шаардлагатай гэж үзвэл дангаараа болон холбогдох бусад байгууллагыг оролцуулан хөрөнгө оруулалтын ажлын гүйцэтгэл, гэрээний хэрэгжилт, ажлын явц, санхүүжилт болон хөрөнгийн зарцуулалтын байдалтай газар дээр нь үзэж танилцах, шалгах ажлыг зохион байгуулан илэрсэн зөрчлийг арилгах арга хэмжээ авна.

4.3. Төсвийн ерөнхийлөн захирагч яам, газар нь өөрийн шууд захиалгатай төсөл, арга хэмжээний хэрэгжилтийг хянаж ажиллахын хамт аймаг, нийслэлд гэрээгээр санхүүжилтийн эрх шилжүүлсэн барилга, их засварын ажлын гүйцэтгэл, санхүүжилт, ажлын явцын талаар байнга хяналт тавьж байна. Шаардлагатай гэж үзвэл дангаар болон аймаг, нийслэлийн ЗДТГ, холбогдох мэргэжлийн байгууллагатай хамтран үзлэг, шалгалт хийж шаардагдах арга хэмжээг тухай бүр авч ажиллана.

4.4 Төсвийн хөрөнгө оруулалт, их засварын ажлын гүйцэтгэлийн явц, хөрөнгийн зарцуулалтыг Сангийн яамны Төсвийн бодлогын газар, аймаг, нийслэлийн ЗДТГ, Санхүү, төрийн сангийн хэлтэс газар дээр нь үзэж танилцах, хяналт тавих, илэрсэн зөрчлийг арилгуулах, шаардлагатай тохиолдолд санхүүжилтийг түр зогсоох арга хэмжээ авч болно.

4.5. Илэрсэн зөрчлийг арилгах, тавьсан шаардлагыг биелүүлээгүй, эргэн шалгуулж тайлагнаагүй захиалагч, гүйцэтгэгчийн хөрөнгө оруулалтын төслийн санхүүжилтийг түр зогсоох, холбогдох хяналтын байгууллагад хүсэлт тавьж дахин шалгуулах арга хэмжээ авч ажиллана.

4.6. Орон нутгийн төсвийн хөрөнгө оруулалтын гүйцэтгэл, ажлын явц, санхүүжилтийн байдлыг аймаг, нийслэлийн ЗДТГ тухай бүр хэлэлцэж, арга хэмжээ авах, шаардлагатай бол ИТХ-д оруулан шийдвэрлүүнэ. Хяналтын ажлыг төв, орон нутгийн мэргэжлийн байгууллагатай хамтран хийж болно.

Тав. Гүйцэтгэлийн мэдээлэл гаргах тухай

5.1. Улсын төсөв болон түүнтэй адилтгах хөрөнгөөр хэрэгжүүлж байгаа хөрөнгө оруулалтын төслийн санхүүжилтийн гүйцэтгэлийн мэдээ, ажлын явцын талаарх мэдээллийг тайлбар, танилцуулгын хамт Төсвийн ерөнхийлөн захирагч, яам, газар сар бүр гаргаж Сангийн яамны Төсвийн бодлогын газарт ирүүлнэ.

5.2. Аймаг, нийслэлийн Засаг даргын Тамгын газрын Санхүү, төрийн сангийн хэлтэс нь бүтээгдэхүүн нийлүүлэх төсвийн санхүүжилтийн гэрээ байгуулан эрх шилжүүлэн авсан хөрөнгө оруулалтын төслийн санхүүжилтийн гүйцэтгэлийн мэдээ, ажлын явцын талаарх мэдээллийг гэрээ байгуулсан Төсвийн ерөнхийлөн захирагчид болон Сангийн яамны Төсвийн бодлогын газарт сар бүр гаргаж ирүүлнэ.

5.3. Орон нутгийн төсвийн хөрөнгө оруулалтын санхүүжилтийн гүйцэтгэлийн мэдээ, ажлын явцын талаарх мэдээллийг улирал бүр гаргаж Сангийн яамны Төсвийн бодлогын газарт ирүүлнэ.

5.4. Хөрөнгө оруулалтын санхүүжилтийн гүйцэтгэлийн мэдээ, ажлын явцын талаарх мэдээллийг сар бүрийн эхний ажлын 3 хоногт, орон нутгийн хөрөнгө оруулалтын санхүүжилтийн гүйцэтгэлийн мэдээ, ажлын явцын талаарх мэдээллийг дараа улирлын эхний сарын 5-ны өдрийн дотор гаргаж холбогдох газруудад нь хүргүүлсэн байна.

5.5. Төсвийн ерөнхийлөн захирагч, яам, газар, аймаг, нийслэлийн Засаг даргын Тамгын газар нь ирүүлсэн мэдээллийн чанар, бодит байдал, баталгааг хариуцна.

5.6. Хөрөнгө оруулалтын санхүүжилтийн гүйцэтгэлийн мэдээ, ажлын явцын талаарх мэдээлэл нь хөрөнгө оруулалтын төлөвлөлт, зохицуулалт болон цаашид авах арга хэмжээний бодлого, чиглэл гаргах ажлын шаардлага хангахгүй байвал мэдээллийг дахин авах бөгөөд чанаргүй мэдээллээс үүсэх хариуцлагыг захиалагч хариуцна.

5.7. Хөрөнгө оруулалтын төслийн санхүүжилтийн гүйцэтгэлийн мэдээ, ажлын явцын талаарх мэдээллийг энэ журмын хавсралтад байгаа "Маягт №2"б", "Маягт №2"в", "Маягт №2"г", "Маягт №2"д"-н дагуу гаргана.

Зургаа. Хариуцлагын тухай

6.1. Төсвийн хөрөнгөөр хэрэгжүүлэх хөрөнгө оруулалтын төсөл, барилга байгууламж, их засвар, худалдан авах тоног төхөөрөмжийн хөрөнгийг төлөвлөх, санхүүжүүлэх, хяналт тавих, гүйцэтгэл гаргах үйл ажиллагаанд дараах зөрчил гаргасан албан тушаалтанд хууль тогтоомжид заасны дагуу хариуцлага хүлээлгэнэ. Үүнд:

- Төсвийн хөрөнгө оруулалтын төсөлд зураг төсөв, ТЭЗҮ, холбогдох бусад үндэслэл нь тодорхой бус барилга байгууламж, их засварын ажил, үр ашиггүй төсөл тусгасан.
- Тухайн жилийн төсвийн тухай хууль, эрх бүхий байгууллагаас баталсан хөрөнгө оруулалтын төсөл, арга хэмжээнд тусгагдаагүй барилга байгууламж, их засвар, тоног төхөөрөмжийн зардлыг нэмж оруулсан.

- Барилга байгууламж, их засварын гэрээний хэрэгжилт, ажлын гүйцэтгэлийг буруу гаргасан, түүнийг баталгаажуулсан.
- Батлагдсан хөрөнгө оруулалтын төслийг ажлын гүйцэтгэл гараагүй байхад санхүүжүүлсэн. Мөн батлагдсан хөрөнгөнөөс илүү гаргаж санхүүжүүлсэн.
- Батлагдсан хөрөнгө оруулалтын төсөв, төлөвлөгөөнд тусгагдаагүй төслийг санхүүжүүлсэн.
- Ажлын гүйцэтгэл, холбогдох баримт нь зохих журмын дагуу бүрэн ирсэн байхад эрх нээгээгүй, санхүүжилтийг хугацаанд нь хийгээгүй.
- Хөрөнгө оруулалтын төслийн санхүүжилтийн эх үүсвэрийг сольсон, мөн хөрөнгө оруулалт, их засварын ажил, угсрагдахгүй тоног төхөөрөмжийн хөрөнгийн зардлыг хооронд нь шилжүүлсэн.
- Хөрөнгө оруулалтын мэдээ, тайланг хугацаанд нь гаргаагүй, буруу мэдээлсэн.
- Төсвийн хөрөнгөөр хэрэгжүүлэн ашиглалтад хүлээн авсан барилга байгууламж, их засварын ажил, худалдан авсан тоног төхөөрөмжийг санхүүгийн бүртгэл, тайлан баланст тусгаагүй.
- Төсвийн хөрөнгөөр санхүүжигдэх төслийн худалдан авах ажиллагааг зохион байгуулахдаа Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай хуулийг зөрчсөн.
- Төсвийн хөрөнгө оруулалтын төслийн техникийн болон ажлын гүйцэтгэлийн хяналтыг зохих журмын дагуу хийгээгүй зэрэг болно.

--- 000 ---

Батлан:сайд, / дарга/, /

Захиалагч: яам /газар/

**Төсвийн хөрөнгө оруулалтаар..... оны санхүүгийн жилд хэрэгжүүлэх төслийн
толовлогөөний төсөл
/сая төгрөг/**

д/д	Төслийн нэр, байршил	Эхлэх дуусах хугацаа	Төгсөх өртөг	201... оны санхүүжүүлэх хөрөнгө	Ойролцоо төлөх тэнг төгрөг
д	Б	1	2	3	4
	I.Хөрөнгө оруулалт: дүн				
1					
2					
	II. Их засвар: дүн				
1					
2					
	III. Тоног тохоромж: дүн				
1					
2					
	Бүтэц дүн				

Зөвшөөрсөн: Төсвийн ерөнхий менежер /

Хөрөнгө оруулалтын төслийг хянаж боловсруулсан яам /газар/-н:

1. Газрын дарга /

2. Хэлтсийн дарга /

3. Мэргэжилтэн /

Харилцах утас №:

201... оны ... дугаар сарын ... ны өдөр

Аймаг, нийслэлд эрх шилжүүлсэн хөрөнгө оруулалтын гүйцэтгэл

Батлав: аймгийн Засаг дарга /

**ТЕЗ иам, газруудын захиалгаар 201... оны санхүүгийн жилд аймагт төсвийн хөрөнгө
оруулалтаар хэрэгжүүлж байгаа төслийн гүйцэтгэл**
/...-р сарын мэдээ, сая.төгрөг/

дд	Төслийн нэр, байршил	Хэрэгжүүлэх Хугацаа	Гэрээний дугаар	гэрээнд тусгасан төсөвт өртөг	201... онд санхүүжүүлэх бичлэглэлийн санд	Санхүүжвэлтийн гүйцэтгэл өссөн дүнгээр	СХБ-ийн ажлын төвийн талаарх тэмдэглэл
а	Б	1	2	3	4	5	6
	а/БСНУЯам						
	I.Хөрөнгө оруулалт: дүн						
1							
2							
	II. Их засвар: дүн						
1							
2							
	III.Тоног төхөөрөмж: дүн						
1							
2							
	бүгд						
	б/ХХААЯам						
	в/НХХЯам						
	г/ЭМЯам гэх мэт						
	бүгд дүн						

* Гүйцэтгэлийн мэдээг сар бүрийн 03-ны өдрийн дотор гаргаж ТЕЗ-нд болон Сангийн аамны ТБГ, ТСГ-г хүргүүлэх

Зөвшөөрсөн: Төсвийн ерөнхий менежер /

Гүйцэтгэл хянаж боловеруулсан аймгийн:

1. СТСХэлтсийн дарга /

2. Хөрөнгө оруулалт хариуцсан мэргэжилтэн /

3. Төрийн сангийн мэргэжилтэн /

201.. оны ... дугаар сарын ... ны өдөр

Батлав:аймгийн Засаг дарга

/

201.. оны санхүүгийн жилд аймагт орон нутгийн төсвийн хоронго оруулалтаар хэрэгжүүлж байгаа төслийн гүйцэтгэл

/...-р улирлын мэдээ, сая.төгрөг/

№	Төслийн нэр, байршил	Хэрэгжүүлэх Хугацаа	Гэрээний дугаар	гэрээнд тусгасан төсвийн өртөг	201.. оны санхүүжүүлэх батлагдсан хэмжээ	Санхүүжүүлэх гүйцэтгэл өссөн дүнгээр	Объектын ажлын үндсэн талаарх төлөв тайлбар
а	Б	1	2	3	4	5	6
	I.Хоронго оруулалт:дүн						
1							
2							
3							
4							
5							
	II. Их засвар:дүн						
1							
2							
3							
4							
5							
	III.Төнийг тохворомж: дүн						
1							
2							
3							
4							
5							
	Бүгд дүн						

*Гүйцэтгэлийн мэдээг улирал - бүр гаргаж, Сангийн яамны ТБГ-г хүргүүлэх.

Зөвшөөрсөн: Төсвийн ерөнхий менежер

/

Гүйцэтгэл хянаж боловсруулсан аймгийн:

1. СТСХэлтсийн дарга

/

2. Хоронго оруулалт хариуцсан мэргэжилтэн.....

/

3. Төрийн сангийн мэргэжилтэн

/

201.. оны ... дугаар сарын ... ны өдөр

Батлав: яамны сайд, /

/

..... яамны /газрын/ шууд захиалгаар 201.. оны санхүүгийн жилд
 хоронго оруулалтаар хэрэгжүүлж байгаа төслийн гүйцэтгэл
 /...-р сарын мэдээ, сая.төгрөг/

Дэ	Төслийн нэр, байршил	Хэрэгжүүлэх Хугацаа	Гэрээний дугаар	гэрээнд буюу тасал тасалт өртөө	201.. оны санхүүжүүлэх бүтээгдсэн хэмжээ	Санхүүжилтийн гүйцэтгэл өссөн дүнгээр	Обьектын дэглэм өөрчлөх туслах үнэ /төгрөг/
А	Б	1	2	3	4	5	6
	I.Хоронго оруулалт: дүн						
1							
2							
	II. Их засвар: дүн						
1							
2							
	III.Тоног төхөөрөмж: дүн						
1							
2							
	Бүгд дүн						

*Гүйцэтгэлийн мэдээг сэд бүрийн 03-ны өдрийн дотор гаргаж Сангийн яамны ТБГ-г хүргүүлнэ.

Зөвшөөрсөн: Төсвийн ерөнхий менежер /

/

Гүйцэтгэл хянаж боловеруулсан яамны /газрын/:

1./Хоронго оруулалт хариуцсан/ газрын дарга /

/

2. Хоронго оруулалт хариуцсан мэргэжилтэн, /

/

3. Санхүүжилт хариуцсан мэргэжилтэн /

/

201.. оны дугаар сарын ... ны өдөр



САНХҮҮЖИЛТИЙН МЭДЭГДЭЛ

201... оны ... дугаар сарын ...-ны өдөр

Санхүүжилтийн дүн тоогоор үсгээр байна.

Захиалагч, гүйцэтгэгч байгууллагын нэр	Барилга, байгууламж, төслийн нэр, байршил, хүч чадал /юуны санхүүжилт болох/	Банкны нэр, дансны дугаар	Мөнгөний дүн /төг/
Захиалагч: БСШУЯам Гүйцэтгэгч:	Сургууль спорт заалны хамт, 640 суудал, Үвс аймаг Улаангом <i>/барилга угсралтын ажлын гүйцэтгэл/</i>	Төрийн сан, данс №	10175245,0 <i>/арван сая нэг зуун далан таван мянга хоёр зуун дөчин тав/</i>

Санхүүжилтийн эрх нээсэн:
Санхүүжүүлэх ажлын төрлийг бичих. Ж-нь барилга угсралтын ажил, зураг тэмдэг, хайгуур гэх мэт. Мөн тухайн төслийн санхүүжилтийн үзлийг бичих.

Захиалагчийн төрийн сан хаяг шилж

Гарын үсэг: 1...../

/ Сангийн яамны ТБГ-ын дарга
(...аймгийн СТСХ-ийн дарга)

2...../

/ Сангийн яамны ТБГ-ын ТХОХ-ийн Дарга

3...../

/ (хөрөнгө оруулалт харнуцсан мэргэжилтэн)